

বাংলাদেশ



গেজেট

অতিরিক্ত সংখ্যা
কর্তৃপক্ষ কর্তৃক প্রকাশিত

বৃহস্পতিবার, জুন ৭, ২০১২

গণপ্রজাতন্ত্রী বাংলাদেশ সরকার
জাতীয় রাজস্ব বোর্ড
ঢাকা।

[মূল্য সংযোজন কর]

প্রজ্ঞাপন

তারিখঃ ২৪ জ্যৈষ্ঠ, ১৪১৯ বঙ্গাব্দ / ০৭ জুন, ২০১২ খ্রিষ্টাব্দ

এস,আর,ও নং-১৭৯-আইন/২০১২/৬৩৭-মুসক।- মূল্য সংযোজন কর আইন, ১৯৯১ (১৯৯১ সনের ২২ নং আইন) এর ধারা ৭২ এ প্রদত্ত ক্ষমতাবলে জাতীয় রাজস্ব বোর্ড, মূল্য সংযোজন কর বিধিমালা, ১৯৯১ এর নিম্নরূপ অধিকতর সংশোধন করিল, যথা:-

উপরি-উক্ত বিধিমালার -

- (১) বিধি ২ এর উপ-বিধি (১) এর দফা (ছ) এ উল্লিখিত “দফা (র)” শব্দ, সংখ্যা ও বন্ধনীর পরিবর্তে “দফা (থথথথথথ)” শব্দ, সংখ্যা ও বন্ধনী প্রতিস্থাপিত হইবে;
- (২) বিধি ৪ এর-
 - (ক) উপ-বিধি (১) এ উল্লিখিত “তিন শতাংশ হারে” শব্দগুলির পরিবর্তে “ধারা ৮ এ বর্ণিত হারে” শব্দগুলি ও সংখ্যা প্রতিস্থাপিত হইবে;

(খ) উপ-বিধি (৫) এর পর নিম্নরূপ উপ-বিধি (৫ক) ও (৫খ) সন্নিবেশিত হইবে, যথা:-

“(৫ক) উপ-বিধি (৫) এর অধীন নির্ধারিত সময়ের মধ্যে দাখিলপত্র পেশ করিতে ব্যর্থ হইলে উক্ত সময় অতিক্রান্ত হইবার ৭(সাত) কার্যদিবসের মধ্যে সংশ্লিষ্ট মূল্য সংযোজন কর কর্মকর্তা নোটিশ দ্বারা নোটিশে উল্লিখিত সময়-সীমার মধ্যে প্রদেয় টার্নওভার কর পরিশোধপূর্বক দাখিলপত্র পেশ করিবার জন্য তালিকাভুক্ত ব্যক্তিকে নোটিশ দিবেন এবং উহার অনুলিপি সংশ্লিষ্ট বিভাগীয় কর্মকর্তার নিকট প্রেরণ করিবেন।

(৫খ) উপ-বিধি (৫ক) এর অধীন প্রদত্ত নোটিশে উল্লিখিত সময়-সীমার মধ্যে কর পরিশোধ করিয়া দাখিলপত্র পেশ করিতে ব্যর্থ হইলে প্রতিষ্ঠানটির বিরুদ্ধে মামলা-দায়ের করিয়া ন্যায়-নির্ণয়ের জন্য বিভাগীয় কর্মকর্তার নিকট প্রেরণ করিতে হইবে।”;

(গ) উপ-বিধি (১৩ক) এ উল্লিখিত “তালিকাভুক্ত ব্যক্তি” শব্দগুলির পর “উপ-বিধি (২ক) এর বিধান প্রতিপালনে ব্যর্থ হইলে অথবা” শব্দগুলি, সংখ্যা, বন্ধনী ও চিহ্ন প্রতিস্থাপিত হইবে;

(৩) বিধি ৭ এর উপ-বিধি (৩) এ উল্লিখিত “দলিলাদি” শব্দের পরিবর্তে “দলিলপত্র ও বাণিজ্যিক দলিলাদি” শব্দগুলি প্রতিস্থাপিত হইবে;

(৪) বিধি ১১ এর-

(ক) উপ-বিধি (১) এ উল্লিখিত “এইরূপ কোনো কর্মকর্তার নিকট” শব্দগুলির পর
“, প্রয়োজনীয় দলিলাদি প্রাপ্তি সাপেক্ষে,” কমাগুলি ও শব্দগুলি সন্নিবেশিত হইবে;

(খ) উপ-বিধি (২) এ উল্লিখিত “কলাম-৬” শব্দ, সংখ্যা ও চিহ্নের পরিবর্তে “ক্রমিক-১০” শব্দ, সংখ্যা ও চিহ্ন প্রতিস্থাপিত হইবে;

(৫) বিধি ১৬ এর উপ-বিধি (১) এর পরিবর্তে নিম্নরূপ উপ-বিধি (১) প্রতিস্থাপিত হইবে, যথা:-

“(১) যেকোনো নিবন্ধিত ব্যক্তিকে তৎকর্তৃক সরবরাহকৃত পণ্যের প্রতিটি সরবরাহের ক্ষেত্রে ফরম “মুসক-১১” -এ অথবা বোর্ড কর্তৃক, সরকারি গেজেটে প্রজ্ঞাপন দ্বারা এতদুদ্দেশ্যে অনুমোদিত অন্যকোনো ফরমে দ্বিমুখী কার্বন ব্যবহার করিয়া একটি চালানপত্র প্রদান করিতে হইবে এবং চালানপত্রের তিনটি অনুলিপি তৈরি করিতে হইবে তন্মধ্যে মূল অনুলিপিটি পণ্যের চালানপত্রে বর্ণিত চূড়ান্ত গন্তব্যস্থল পর্যন্ত পণ্যের সহিত রাখিতে হইবে এবং পণ্যের ক্রেতা যদি নিবন্ধিত ব্যক্তি হন তাহা হইলে চালানপত্রের উক্ত অনুলিপিটি তিনি নিজ ব্যবসায় অঙ্গনে অন্যান্য ছয় বৎসর সংরক্ষণ করিবেন এবং চালানপত্রের দ্বিতীয় অনুলিপিটি পণ্য সরবরাহের ৫(পাঁচ) কার্যদিবসের মধ্যে স্থানীয় মূল্য সংযোজন কর কার্যালয়ে পৌঁছাইতে হইবে এবং তৃতীয় অনুলিপিটি চালানপত্র পুস্তকে সংযুক্ত অবস্থায় পণ্য প্রস্তুতকরণ বা উৎপাদনস্থলে বা ব্যবসায়স্থলে অন্যান্য ছয় বৎসর সংরক্ষণ করিতে হইবে;

তবে শর্ত থাকে যে, যান্ত্রিক নৌযান বা মোটরযান সরবরাহের ক্ষেত্রে উল্লিখিত যান রেজিস্ট্রেশনের সময় রেজিস্ট্রেশন কর্তৃপক্ষের নিকট চালানপত্রের মূল অনুলিপি দাখিল করিতে হইবে;

আরও শর্ত থাকে যে, নিবন্ধিত নহেন এমন ব্যক্তির নিকট ব্যবসায়ী কর্তৃক উহাদের প্রতিটি সরবরাহের ক্ষেত্রে ফরম “মূসক-১১” বা “মূসক-১১ক” -এ দ্বিমুখী কার্বন ব্যবহার করিয়া একটি চালানপত্র প্রদান করিতে হইবে এবং চালানপত্রের দ্বিতীয় অনুলিপিটি চালানপত্র পুস্তকে সংযুক্ত অবস্থায় ব্যবসায়স্থলে অন্যান্য ছয় বৎসর সংরক্ষণ করিতে হইবে।”

- (৬) বিধি ১৭ এর উপ-বিধি (১) এর পরিবর্তে নিম্নরূপ উপ-বিধি (১) প্রতিস্থাপিত হইবে, যথা:-
- “(১) সেবা প্রদান বা সেবা রপ্তানির ক্ষেত্রে নিবন্ধিত ব্যক্তি বিধি ১৬ এর উপ-বিধি (১) এ বর্ণিত ফরমে অথবা আইন পরামর্শক, ইমিগ্রেশন উপদেষ্টা, কোচিং সেন্টার এবং ইংলিশ মিডিয়াম স্কুল কর্তৃক সেবা প্রদানের ক্ষেত্রে ফরম “মূসক-১১ঘ” এ দ্বিমুখী কার্বন ব্যবহার করিয়া চালানপত্রের তিনটি অনুলিপি তৈরি করিবেন এবং উক্তরূপে তৈরিকৃত চালানপত্রের -
- (ক) মূল অনুলিপিটি সেবার ক্রেতা বা গ্রাহককে প্রদান করিবেন এবং সেবার ক্রেতা বা গ্রাহক যদি নিবন্ধিত হন তাহা হইলে উক্ত চালানপত্রের অনুলিপিটি তিনি নিজ ব্যবসায় অঙ্গনে অন্যান্য ছয় বৎসর সংরক্ষণ করিবেন;
- (খ) দ্বিতীয় অনুলিপিটি সেবা সরবরাহের ৫(পাঁচ) কার্যদিবসের মধ্যে স্থানীয় মূল্য সংযোজন কর কার্যালয়ে পৌঁছাইবেন; এবং
- (গ) তৃতীয় অনুলিপিটি চালানপত্র পুস্তকে সংযুক্ত অবস্থায় সেবা প্রদানের স্থানে অন্যান্য ছয় বৎসর সংরক্ষণ করিবেন।”
- (৭) বিধি ১৮ এর উপ-বিধি (২) এর দফা (গ) তে উল্লিখিত “চার বৎসর” শব্দগুলির পরিবর্তে “ছয় বৎসর” শব্দগুলি প্রতিস্থাপিত হইবে;
- (৮) বিধি ১৮গ বিলুপ্ত হইবে;
- (৯) বিধি ১৮ঙ এর -
- (ক) উপ-বিধি (১) এর পরিবর্তে নিম্নরূপ উপ-বিধি (১) প্রতিস্থাপিত হইবে, যথা:-
- “(১) সরকারি, আধাসরকারি, স্বায়ত্তশাসিত ও স্থানীয় কর্তৃপক্ষ কর্তৃক আপাততঃ বলবৎ কোন আইনের অধীন-
- (অ) লাইসেন্স, রেজিস্ট্রেশন, পারমিট প্রদান বা নবায়নকালে উক্তরূপ সুবিধা গ্রহণকারী ব্যক্তির নিকট হইতে প্রাপ্ত সমুদয় অর্থের ওপর উৎসে মূল্য সংযোজন কর কর্তন করিতে হইবে;

(আ) প্রদত্ত লাইসেন্স, রেজিস্ট্রেশন, পারমিটে উল্লিখিত শর্তের আওতায় রাজস্ব বন্টন (revenue sharing), রয়্যালিটি, কমিশন, চার্জ, ফি বা অন্যকোনভাবে প্রাপ্ত সমুদয় অর্থের ওপর উক্তরূপ সুবিধা গ্রহণকারী ব্যক্তির নিকট হইতে প্রাপ্ত বা প্রাপ্য পণ এর ওপর উৎসে মূল্য সংযোজন কর কর্তন ও আদায় করিতে হইবে।”

(খ) উপ-বিধি (২) এ উল্লিখিত “কর কর্তন করিবে” শব্দগুলির পরিবর্তে “কর কর্তন ও আদায় করিবে” শব্দগুলি প্রতিস্থাপিত হইবে।

(১০) বিধি ১৯ এর উপ-বিধি (২) এ উল্লিখিত “বিল অব এন্ট্রি অথবা চালানপত্রসহ” শব্দগুলির পরিবর্তে “বিল অব এন্ট্রি অথবা চালানপত্র অথবা সেবা আমদানির ক্ষেত্রে ট্রেজারী চালানসহ” শব্দগুলি প্রতিস্থাপিত হইবে;

(১১) বিধি ২২ এর উপ-বিধি (১) এর দফা (গ) এর পরিবর্তে নিম্নরূপ দফা (গ) প্রতিস্থাপিত হইবে, যথা:-

“(গ) চালানপত্র পুস্তক।- ফরম “মূসক-১১” এবং প্রযোজ্য ক্ষেত্রে “মূসক-১১ক” বা “মূসক-১১গ” বা “মূসক-১১ঘ” অনুযায়ী মুদ্রিত চালানপত্রসমূহ বাঁধানো অবস্থায় এমনভাবে সংরক্ষণ করিতে হইবে, যাহাতে ইহার কোন পাতা, না ছিঁড়িয়া, অপসারণ করা যায় না এবং চালানপত্রসমূহে ক্রমানুসারে সংখ্যা মুদ্রিত করিতে হইবে; এবং”;

(১২) বিধি ৩০ এর-

(ক) উপ-বিধি (১) এর দফা (গ) এ উল্লিখিত “স্থানীয় মূল্য সংযোজন কর কার্যালয়ে” শব্দগুলির পরিবর্তে “শুল্ক রেয়াত ও প্রত্যর্পণ পরিদপ্তরে” শব্দগুলি প্রতিস্থাপিত হইবে;

(খ) উপ-বিধি (২) এ দুইবার উল্লিখিত “বোর্ড” শব্দের পরিবর্তে “মহাপরিচালক, শুল্ক রেয়াত ও প্রত্যর্পণ পরিদপ্তর” শব্দগুলি ও কমা প্রতিস্থাপিত হইবে;

(গ) উপ-বিধি (৩) বিলুপ্ত হইবে;

(ঘ) উপ-বিধি (৪) এ উল্লিখিত “কমিশনারের নিকট হইতে” শব্দগুলি বিলুপ্ত হইবে;

(ঙ) উপ-বিধি (৫) এ উল্লিখিত “কমিশনারের নিকট হইতে” শব্দগুলি বিলুপ্ত হইবে;

(চ) উপ-বিধি (৭) এ উল্লিখিত “কমিশনারের নিকট হইতে” শব্দগুলি বিলুপ্ত হইবে;

(১৩) বিধি ৩৪ক এর-

(ক) উপ-বিধি (২) এর পরিবর্তে নিম্নরূপ উপ-বিধি (২) ও (২ক) প্রতিস্থাপিত হইবে, যথা:-

“(২) বিভাগীয় কর্মকর্তা উপ-বিধি (১) এর অধীন দাখিলকৃত ফেরত দাবির যথার্থতা সম্পর্কে এবং দাবিকৃত অর্থ প্রকৃতপক্ষে ট্রেজারিতে জমা হইয়াছে কিনা উহা যাচাই পূর্বক উহার সত্যতা সম্পর্কে নিশ্চিত হইয়া ফেরত দাবিটি অনুমোদন করিবেন, ফেরত অনুমোদনকারী কর্মকর্তা অতঃপর উক্ত ফেরত বিল প্রাক-নিরীক্ষার উদ্দেশ্যে কমিশনারের কার্যালয়ের দায়িত্বপ্রাপ্ত কর্মকর্তার নিকট প্রেরণ করিবেন, প্রাক-নিরীক্ষায় বিলটি যথাযথ বিবেচিত হইলে সংশ্লিষ্ট দায়িত্বপ্রাপ্ত কর্মকর্তা উহা প্রতিস্বাক্ষরপূর্বক বিলের এক প্রস্থ অফিস রেকর্ডের জন্য সংরক্ষণ করিয়া এক প্রস্থ যে স্থানীয় মূল্য সংযোজন কর কার্যালয়ের রাজস্ব বিবরণীতে ফেরত দাবিকৃত রাজস্ব প্রদর্শিত হইয়াছে সেই স্থানীয় মূল্য সংযোজন কর কার্যালয়ের রাজস্ব কর্মকর্তার নিকট প্রেরণ করিবেন এবং এক প্রস্থ সংশ্লিষ্ট বিভাগীয় কর্মকর্তার নিকট প্রেরণ করিবেন, রাজস্ব কর্মকর্তা তাঁর দপ্তরের রাজস্ব বিবরণীতে ঋণাত্মক সমন্বয় করিয়া ফেরত বিলটি উক্ত রাজস্ব কর্মকর্তার এলাকা সংশ্লিষ্ট জেলার হিসাব রক্ষণ কর্মকর্তা বা প্রধান হিসাব রক্ষণ কর্মকর্তার নিকট প্রেরণ করিবেন:

তবে শর্ত থাকে যে, ফেরত দাবির আবেদনপত্র প্রাপ্তির ৯০(নব্বই) দিনের মধ্যে উহা নিষ্পত্তি করিতে হইবে;

(২ক) আমদানি পর্যায়ে প্রদত্ত মূল্য সংযোজন কর ফেরত দাবির ক্ষেত্রে Customs Act, 1969 এর section 33 এবং তদধীন প্রণীত বিধান অনুসরণ করিতে হইবে।”;

(খ) উপ-বিধি (৪) এ উল্লিখিত “চলতি হিসাবে” শব্দগুলির পর “অথবা দাখিলপত্রে” শব্দগুলি সন্নিবেশিত হইবে।

(১৪) বিধি ৩৫ এ উল্লিখিত “অন্য সমপরিমাণ এবং অনূর্ধ্ব আড়াই গুণ” শব্দগুলির পরিবর্তে “অন্য অর্ধেক পরিমাণ এবং অনূর্ধ্ব সমপরিমাণ” শব্দগুলি প্রতিস্থাপিত হইবে এবং প্রাপ্তস্থিত “দাড়ি” এর পরিবর্তে “কোলন” প্রতিস্থাপিত হইবে এবং অতঃপর নিম্নরূপ শর্ত সংযোজিত হইবে, যথাঃ-

“তবে শর্ত থাকে যে, যেক্ষেত্রে কোনো রাজস্ব ফাঁকি হয় নাই সেক্ষেত্রে অন্যান্য ৫(পাঁচ) হাজার টাকা এবং অনূর্ধ্ব ১০(দশ) হাজার টাকা অর্থদণ্ডে দণ্ডনীয় হইবে।”;

(১৫) বিধি ৪১ এর উপ-বিধি (৪) এর পরিবর্তে নিম্নরূপ উপ-বিধি (৪) প্রতিস্থাপিত হইবে, যথাঃ-
“(৪) বিভাগীয় কর্মকর্তা তাহার সম্মুখি সাপেক্ষে, উপ-বিধি (২) এ বর্ণিত পণ্য ৩০(ত্রিশ) কার্য দিবসের মধ্যে সরবরাহ বা বিনষ্টকরণ বা অন্য কোনরূপে নিষ্পত্তির সিদ্ধান্ত প্রদান করিবেন।”;

- (১৬) ফরম “মূসক-১ঘ” এর কলাম (৬) এর শিরোনামে উল্লিখিত “পরিমাণ” শব্দটির পরিবর্তে “পরিমাণ ও মূল্য” শব্দগুলি প্রতিস্থাপিত হইবে;
- (১৭) ফরম “মূসক-৬” এর “আবেদনকারীর জন্য নির্দেশনা” শীর্ষক অংশের ক্রমিক 15 এর পর নিম্নরূপ ক্রমিক 16 সংযোজিত হইবে, যথা:-

16.	Trade license, TIN & National ID Number	আবেদনকারী সরকারী বা স্বায়ত্ত্বশাসিত প্রতিষ্ঠান হইলে ট্রেড লাইসেন্স & TIN দাখিলের প্রয়োজন হইবে না।”।
-----	-----------------------------------------	-------------------------------------------------------------------------------------------------------

২। এই প্রজ্ঞাপন ১৭ আষাঢ়, ১৪১৯ বঙ্গাব্দ মোতাবেক ০১ জুলাই, ২০১২ খ্রিষ্টাব্দ তারিখে কার্যকর হইবে।

জাতীয় রাজস্ব বোর্ডের আদেশক্রমে,

[মোঃ শওকাত হোসেন]
প্রথম সচিব (মূসক নীতি)